



**O‘ZBEKISTON RESPUBLIKASI DAVLAT AKTIVLARINI  
BOSHQARISH AGENTLIGINING  
YAGONA AKSIYADOR (ISHTIROKCHI) Q A R O R I**

---

---

2023-yil 27- iyun

87/09-2-qr-sonli

**Toshkent shahri**

**“Angren logistika markazi” aksiyadorlik jamiyatining  
2022-yil moliyaviy-xo‘jalik faoliyati natijalari to‘g‘risida**

O‘zbekiston Respublikasining “Aksiyadorlik jamiyatlari va aksiyadorlarning huquqlarini himoya qilish to‘g‘risida”gi Qonunining 58-moddasi, “Angren logistika markazi” AJ kuzatuv kengashi majlisining 2023-yil 1-iyundagi qarori hamda “Angren logistika markazi” AJning 2023-yil 1-iyundagi LC/260-son murojaatiga asosan Davlat aktivlarini boshqarish agentligi **qaror qiladi**:

**1. Quyidagilar:**

“Angren logistika markazi” AJning (*keyingi o‘rinlarda – jamiyat*) 2022-yil yakuni bo‘yicha:

**jami daromad** 2 069,2 mln. so‘mni tashkil etganligi va o‘tgan yilning mos davriga (393,8 mln. so‘m) nisbatan 1 675,3 million so‘mga yoki 5 barobarga ko‘payganligi;

**sof tushum** 1 019,6 mln. so‘mni tashkil etganligi;

**maxsulot (xizmatlar) tannarxi** 885,5 mln. so‘mni tashkil etganligi yoki tannarxning sof tushumdagi ulushi 86,8 foizni tashkil etganligi;

**davr xarajatlari** 1 344,9 mln. so‘mni tashkil etganligi va o‘tgan yilning mos davriga (203,6 mln. so‘m) nisbatan 1 141,3 mln. so‘mga yoki 6 barobarga ko‘payganligi;

**zarar** 181,4 mln. so‘m, belgilangan reja (*sof foyda 128,8 mln. so‘m*) bajarilmaganligi (*jamiyatning 100 foiz ta‘sischiligidagi “Maxsusyuktrans” MChJ jamiyatga qo‘shib olinishida 822,3 mln. so‘m miqdoridagi harajatlar amalga oshirilganligi natijasida vujudga kelgan*);

**debitor qarzdorlik** 21 312,0 mln. so‘mni tashkil etganligi va yil boshi (534,1 mln. so‘m)ga nisbatan 20 777,9 mln. so‘mga yoki 39 barobarga ko‘payganligi;

**kreditor qarzdorlik** 570,3 mln. so‘mni tashkil etib, hisobot yili boshi (695,1 mln. so‘m)ga nisbatan 124,8 mln. so‘mga yoki 18,0 foizga kamayganligi;

Vazirlar Mahkamasining 2018-yil 14-dekabrda 1013-son qarori bilan tasdiqlangan “Davlat ishtirokidagi korxonalarining moliyaviy-iqtisodiy holati tahlilini o‘tkazish Reglamenti”ga asosan jamiyatning moliyaviy-iqtisodiy holati past rentabelliligi va asosiy vositalari eskirganligi;

jamiyatning 2022-yil yakuni bo‘yicha moliyaviy hisobotlari haqqoniyligi “ABS Finans Audit” MChJ auditorlik tashkilotining ijobiy xulosasi olinganligi;

jamiyatning 2022-yil moliyaviy-xo‘jalik faoliyati kuzatuv kengashining 2023-yil 1-iyundagi majlisida ko‘rib chiqilganligi va ma‘qullanganligi;

jamiyat ijro organining 2022-yil yakunlari bo‘yicha hisobotlari ma‘lumot uchun qabul qilinsin.

2. Jamiyatning 2022-yil yakuni bo‘yicha yillik hisoboti tasdiqlansin.

3. Jamiyatning 2022 yil yakunlari bo‘yicha zarari **181,4 mln. so‘mni** tashkil qilganligi ma‘lumot uchun qabul qilinsin.

4. Jamiyat Bosh direktori B. Abduraimov jamiyatning 2023-yil uchun moliyaviy-xo‘jalik faoliyatining majburiy auditorlik tekshiruvini o‘tkazish uchun auditorlik tashkilotini O‘zbekiston Respublikasining “Davlat xaridlari to‘g‘risida”gi qonun talablariga muvofiq elektron savdolar birjasi orqali aniqlagandan so‘ng, ko‘rib chiqish uchun Davlat aktivlarini boshqarish agentligiga kiritilsin.

5. Davlat aktivlarini boshqarish agentligining 2023-yil 9-iyundagi 03/09-3-17/2659-son xati bilan “Angren logistika markazi” AJ kuzatuv kengashi a‘zoliciga **uch yil muddatga** “UZAssets” IK AJ boshqaruv raisi vazifasini vaqtincha bajaruvchi Rustamov Baxtiyor Ravshanovich, Davlat aktivlarini boshqarish agentligi bo‘limi boshlig‘i Alibekov Timur Abdumuxtorovich, Davlat aktivlarini boshqarish agentligi bosh mutaxassisi Asrorov Umid Sattor o‘g‘li, Qimmatli qog‘ozlarning markaziy depozitariyasi bosh mutaxassisi Abdukarimov Shavkat Ozodovich va “Munitsipal aktivlarni boshqarish markazi” DUK bosh mutaxassisi Boysinov Jasur Xasanovich saylansin.

6. “Aksiyadorlik jamiyatlari va aksiyadorlarning huquqlarini himoya qilish to‘g‘risida”gi O‘zbekiston Respublikasi Qonunining 79-moddalariga hamda Jamiyat aksiyadorlarining 2022-yil 30-iyundagi qarori bilan jamiyat bosh direktori **Abduraimov Botir Turaevich uch yil muddatga** saylanganligi sababli u bilan tuzilgan shartnomaning amal qilish muddati uzaytirilsin.

7. Vazirlar Mahkamasining 2021-yil 4-maydagi 266-son qaroriga asosan “Angren logistika markazi” AJ ustav kapitalini obyektlarning balans qiymatiga (**14 434 388 910,36 so‘m**) kamaytirish bo‘yicha **quyidagilar**:

**7.1. Jamiyat ustav fondi (ustav kapitali)** chiqarilgan va joylashtirilgan, umumiy soni **1 303 803** dona aksiyalardan iborat, har bir aksiyaning nominal qiymati 5 000 so‘mdan jami **6 519 015 000** (olti milliard besh yuz o‘n to‘qqiz million o‘n besh ming) **so‘m miqdorida tasdiqlansin**;

**7.2.** Oradagi 1 089,64 so‘m farqni keyingi aksiyalar chiqariluvida inobatga olinsin;

7.3. 2015-yil 27-fevraldagi L0256-4-sonli va 2014-yil 18-sentabrdagi L0256-3-sonli emissiyaviy qimmatli qog'ozlar chiqarilishlaridagi aksiyalarning umumiy sonini qisqartirish yo'li bilan kamaytirilsin;

7.4. 2015-yil 27-fevraldagi L0256-4-sonli va 2014-yil 18-sentabrdagi L0256-3-sonli aksiyalar chiqarilishlariga kiritiladigan o'zgartirish va qo'shimchalar kiritish matni ilovaga muvofiq tasdiqlansin.

7.5. Jamiyatning ustav kapitali miqdori kamaytirilayotganligi shuningdek, O'zbekiston Respublikasining "Davlat mulkini boshqarish to'g'risida"gi, "Korporativ boshqaruv tizimini yanada takomillashtirilishi munosabati bilan O'zbekiston Respublikasining ayrim qonun hujjatlariga o'zgartirish va qo'shimchalar kiritish to'g'risida"gi Qonunlariga, shuningdek, O'zbekiston Respublikasi Prezidentining 2023-yil 24-martdagi PQ-101-son qarori talablariga asosan ishlab chiqilgan yangi tahrirdagi ustavi ilovaga muvofiq tasdiqlansin.

8. Jamiyat bosh direktori B. Abduraimovga:

jamiyat ustav fondini (ustav kapitalini) kamaytirish to'g'risida qaror qabul qilingan sanadan e'tiboran o'ttiz kundan kechiktirmay o'z kreditorlarini bu haqda yozma shaklda xabardor qilinishini;

jamiyatning yangi tahrirdagi ustavini belgilangan tartibda davlat ro'yxatidan o'tkazilishini;

jamiyatning moliya-xo'jalik faoliyatini yaxshilash, 2023 yilga mo'ljallangan biznes-reja ko'rsatkichlarini o'z vaqtida va sifatli bajarilishini;

**har chorak** yakuni bo'yicha biznes-reja ko'rsatkichlari bajarilishi to'g'risidagi hisobotni Davlat aktivlarini boshqarish agentligining veb-saytiga (kpi.davaktiv.uz) elektron shaklda kiritib borilishini;

jamiyatning moliya-xo'jalik faoliyati yakuni, jumladan biznes-rejaning asosiy ko'rsatkichlari bajarilishi haqidagi hisobotni har chorakda jamiyat kuzatuv kengashiga taqdim etib borilishini ta'minlasin.

9. Mazkur qaror ijrosini nazorat qilish Davlat aktivlarini boshqarish agentligi direktori o'rinbosari A. Miraliyev zimmasiga yuklatilsin.

Direktor



A. Ortikov